

à ce qu'ils arriuent au iour de leur punition, vn Dieu seul doit estre adoré au Ciel & en la Terre, il est tres-sage & sçait tout. Loué soit celuy à qui appartient le Royaume des Cieux & de la Terre, & tout ce qui est entr'eux. Il sçait l'heure & le iour que tout le monde sera assemblé deuant luy pour estre iugé. Les Idoles que les infidelles adorent ne pourront pas interceder pour eux, les bons intercedent pour ceux qui ont cognoissance de la verité; si tu demande aux hommes qui les a créés, ils diront que c'est Dieu; comme se peuuent-ils donc esloigner de ses commandemens? Seigneur ce peuple est incredule. Esloigne-toi de leur compagnie, à la fin ils recognoistront trop tard leurs erreurs.

*LE CHAPITRE DE LA FVME'E,  
contenant cinquante-neuf versets,  
escriit à la Meque.*

**A**V Nom de Dieu clement & misericordieux. Dieu est prudent & sage. Iciure par le liure qui distingue le bien d'avec le mal, que nous l'auons enuoyé la nuit de benediction, pour enseigner au peuple les tourmens de l'Enfer; Ce liure explique nos commandemens & tout ce que nous auons cy-deuant ordonné aux Prophetes, c'est vne grace speciale de ton Seigneur, il entend tout & sçait tout, il est le

Seigneur du Ciel & de la Terre, & de tout ce qui est entr'eux, croyez en sa toute-Puissance. Il n'y a point de Dieu que luy, il donne la vie & la mort à qui bon luy semble, il est vostre Seigneur, le Seigneur de vos peres & de vos predecesseurs, les impies se mocquent de ce discours, mais le iour du iugement les attend, ce iour le Ciel semblera de la fumée qui couvrira le monde, ce iour le peuple dira, voicy des tourmens douloureux, Seigneur deliure-nous de cette misere nous croirons en ta loy : Leur conuersion sera inutile, parce que quand le Prophete les a preschés, ils se sont mocqués de ses paroles, & ont dit qu'il estoit vn maistre fol, & lors qu'ils ont esté soulagez en terre, ils sont retournez en leur impieté : Souuiens-toy du iour qu'ils ont esté vaincus, & pris par force, & que nous nous sommes vengés de leur impieté. Nous auons cy-deuant esprouué les gens de Pharaon, mon Prophete bien aymé leur a presché mes commandemens, & a dit, Venez suiuez moy, ô seruiteurs de Dieu, ie suis fidelle Messager de la diuine Maiceté, ne vous esléuez pas contre sa loy, ie vous enseigneray ses commandemens, il me gardera de vostre colere, il me preseruera d'estre lapidé ; si vous ne me voulez pas croire, esloignez vous de moy. Il pria son Seigneur lors qu'il cogneut que ce peuple estoit infidelle & meschant. Dieu luy dit, fors la nuit de la ville avec mes seruiteurs, si les gens de Pharaon te poursuient, entre dedans la mer par vn chemin large & spacieux, tes ennemis qui te suiuront seront submergez.

mergez. Combien ont-ils quitté de jardins, de fontaines, & delieux de plaifance où ils prenoient leurs plaifirs ? ils font tombez au pouuoir d'autruy avec tous leurs trefors, & personne ne les a regrettez ny au Ciel ny en la Terre, ils n'attendoient pas cette punition. Nous auons deliurés les enfans d'Israël de la tyrannie de Pharaon, il estoit puiffant & grand pecheur, Nous les auons effeus par nostre certaine science entre tout le monde, & les auons esprouuez par nos miracles, & par nos commandemens. Les impies difent, nous mourrós & ne reffusciterons pas, si la reffurrection est veritable faits reffusciter nos peres pour faire paroître la verité de tes paroles ; Sont-ils plus puiffans que ceux qui les ont precedez, que nous auons exterminez à cause de leur impieté ? nous n'auons pas inutilement créé le Ciel & la Terre, & tout ce qui est entr'eux, nous les auons créés pour signes certains de nostre vnité, la plus grãde partie du monde ne le cognoit pas, le iour du iugement est le temps ordonné pour leur punition, ce iour personne ne pourra sauuer son prochain, ny son parent, ny son amy, personne ne sera sauué que ceux à qui Dieu donnera sa misericorde, il est tout Puiffant & misericordieux. Le fruit de l'Arbre d'Enfer appellé Zacon feruira de nourriture aux impies, il bouillira dedans leur ventre comme de la poix, & comme de l'eau. On criera, prenez les impies, traifnez-les dedans le feu d'Enfer, versez sur leurs testes toute sorte de tourmens : On leur dira, goustez les peines de l'Enfer, vous croyez

estre les tout-puissans & precieux en terre, voila la punition dont vous auez douté: Les gens de bien seront dans des lieux delicieux, dans des iardins ornez de fontaines, ils seront vestus de pourpre, ils se verront tous en face, nous les assemblerons avec des femmes pures & nettes, qui auront les yeux tres-beaux, ils auront des fruiets delicieux & sauoureux de toute saison, ils n'y mourront iamais, & seront deliurez des tourmens de l'Enfer par la grace speciale de ton Seigneur, voila la suprême felicité. Certainement nous auons enuoyé l'Alcoran en ta langue, peut-estre que les Arabes le comprendront, ils souhaitent ta ruyné, mais perseuere & attens le temps de la punition de leurs crimes.

---

*LE CHAPITRE DE LA GENV-  
flexion, contenant cinquante-neuf versets,  
escrit à la Meque.*

**A**V nom de Dieu clement & misericordieux. Dieu est tres-Prudent & Sage. Ce liure est enuoyé par le tout-Puissant & Sage. Les Cieux & la Terre sont signes tres-certains de son vnité à ceux qui croyent en sa loy, vostre creation & la creation de tous les animaux sont marques de sa grandeur à ceux qui ont sa crainte deuant les yeux, la difference de la nuit & du iour, la pluye qu'il enuoye du Ciel pour faire produire à la terre les fruiets, & pour la ref-